

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE**

Broj: 01- 45-11131/23

**ZAPISNIK
S TRIDESETTREĆE SJEDNICE
GRADSKOG VIJEĆA ZENICA
održane 26. APRILA 2023. godine**

April, 2023. godine

**ZAPISNIK S 33. SJEDNICE GRADSKOG VIJEĆA ZENICA,
ODRŽANE 26.04.2023. GODINE**

Sjednica je počela s radom u 10.15 sati.

Sjednicom je predsjedavao Mirza Husetić, predsjedavajući Gradskog vijeća Zenica, koji je, nakon uvodnog pozdrava, konstatovao da 33. sjednici Gradskog vijeća prisustvuje 27 vijećnika.

Vijećnici Vernes Menzilović i Kenan Alispahić najavili su kašnjenje na sjednicu.

Za 33. sjednicu Gradskog vijeća Zenica predložen je sljedeći dnevni red:

- 1. Zapisnik s 32. sjednice Gradskog vijeća Zenica, održane 30.03.2023. godine**
- 2. Izvještaj o izvršenju Budžeta Grada Zenica za 2022. godinu s Prijedlogom Zaključka o usvajanju Izvještaja o izvršenju Budžeta Grada Zenica za 2022. godinu i rasporedu akumulisanog suficita Grada Zenica**
IZVJESTILAC: Fatima Vojvodić, pomoćnica Gradonačelnika za finansije
- 3. Izvještaj o radu Gradske uprave i Gradonačelnika Zenice za 2022. godinu**
IZVJESTILAC: Selver Keleštura, sekretar Gradske uprave Zenica
- 4. Prijedlog Odluke o uslovima, kriterijima, postupku dodjele i načinu korištenja stambenih jedinica u stambenoj zgradi u ulici Crkvice broj 48B**
IZVJESTILAC: Sumea Mujkanović, pomoćnica Gradonačelnika za socijalnu zaštitu, stambene poslove i društvene djelatnosti
- 5. Informacija o stanju javnog prijevoza putnika na području Grada Zenica**
IZVJESTILAC: Zerina Polić- Zolota, predstavnik Službe za vodoprivredu, putnu infrastrukturu i mjesne zajednice
- 6. Nacrt Odluke o načinu i uslovima povjeravanja i organizovanja javnog prijevoza putnika u linijskom cestovnom prijevozu na teritoriji grada Zenica**
IZVJESTILAC: Zerina Polić- Zolota, predstavnik Službe za vodoprivredu, putnu infrastrukturu i mjesne zajednice
- 7. Izvještaj o radu JU Centar za socijalni rad Zenica za 2022. godinu**
IZVJESTILAC: Muamer Mehić, direktor JU Centar za socijalni rad Zenica
- 8. Izvještaj o radu JU „Dom za stara lica Zenica“ Zenica za 2022. godinu**
IZVJESTILAC: Kemal Efendić, direktor JU „Dom za stara lica Zenica“ Zenica
- 9. a) Izvještaj o radu JU „Dom-porodica“ Zenica za 2022. godinu**
b) Izvještaj o radu Gradske narodne kuhinje Zenica za 2022. godinu
IZVJESTILAC: Halil Arnaut, v.d. direktora JU „Dom-porodica“ Zenica
- 10. Prijedlog za uređenje međusobnih odnosa za prevazilaženje problema na mikrolokaciji u naselju Radakovo**
PRILOG: - Studija zamjene parcela K.O. Zenica III, naselje Novo Radakovo, dio parcele 1064/1 i dio parcele 1051/1
- Analiza saobraćaja
- Analiza urbanističke postavke i sadržaja
IZVJESTILAC: predstavnik investitora
- 11. Plan aktivnosti “Mapa puta digitalne transformacije Grada Zenica”**
IZVJESTILAC: Lejla Turulja, konsultantica na projektu

Nije bilo prijedloga za dopunu prijedloga dnevnog reda. Vijećnici su prihvatili zamolbu konsultantice Lejle Turulje da se tačka 11. razmatra pod rednim brojem dva. Vijećnici nisu prihvatili prijedlog vijećnika Nermina Mehića da se tačka 10. Prijedlog za uređenje međusobnih odnosa za prevazilaženje problema na mikrolokaciji u naselju Radakovo povuče radi dorade.

Za 33. sjednicu Gradskog vijeća Zenica Vijeće je s 21 glasom „ZA“, 2 glasa „PROTIV“ i 3 glasa „UZDRŽAN“ usvojilo sljedeći

D N E V N I R E D:

1. Zapisnik s 32. sjednice Gradskog vijeća Zenica, održane 30.03.2023. godine
2. Plan aktivnosti “Mapa puta digitalne transformacije Grada Zenica”
3. Izvještaj o izvršenju Budžeta Grada Zenica za 2022. godinu s Prijedlogom Zaključka o usvajanju Izvještaja o izvršenju Budžeta Grada Zenica za 2022. godinu i rasporedu akumulisanog suficita Grada Zenica
4. Izvještaj o radu Gradske uprave i Gradonačelnika Zenice za 2022. godinu
5. Prijedlog Odluke o uslovima, kriterijima, postupku dodjele i načinu korištenja stambenih jedinica u stambenoj zgradi u ulici Crkvice broj 48B
6. Informacija o stanju javnog prijevoza putnika na području Grada Zenica
7. Nacrt Odluke o načinu i uslovima povjeravanja i organizovanja javnog prijevoza putnika u linijskom cestovnom prijevozu na teritoriji grada Zenica
8. Izvještaj o radu JU Centar za socijalni rad Zenica za 2022. godinu
9. Izvještaj o radu JU „Dom za stara lica Zenica“ Zenica za 2022. godinu
10. a) Izvještaj o radu JU „Dom-porodica“ Zenica za 2022. godinu
b) Izvještaj o radu Gradske narodne kuhinje Zenica za 2022. godinu
11. Prijedlog za uređenje međusobnih odnosa za prevazilaženje problema na mikrolokaciji u naselju Radakovo

Izvještaji sa sjednica komisija Vijeća dostavljeni su pred sjednicu.

Tačka 1. Zapisnik s 32. sjednice Gradskog vijeća Zenica, održane 30.03.2023. godine

Zapisnik s 32. sjednice Gradskog vijeća Zenica usvojen je bez primjedbi s 27 glasova „ZA“, bez glasova „PROTIV“ i 1 glasom „UZDRŽAN“.

Tačka 2. Plan aktivnosti “Mapa puta digitalne transformacije Grada Zenica”

Dokument “Mapa puta digitalne transformacije Grada Zenica” s Planom aktivnosti prezentovala je dr. Lejla Turulja iz Sarajeva, konsultantica na projektu „Digitalna transformacija grada Zenica“.

U raspravi o ovoj tački dnevnog reda učestvovali su vijećnici Namir Škaljo i Malik Ejubović. U raspravi je, također, učestvovala dr. Lejla Turulja, koja je odgovorila na pitanja vijećnika učesnika u diskusiji. Po zaključenju rasprave Vijeće je jednoglasno s 28 glasova „ZA“, bez glasova „PROTIV“ i bez glasova „UZDRŽAN“ donijelo zaključak o usvajanju dokumenta “Mapa puta digitalne transformacije Grada Zenica” s Planom aktivnosti.

Tačka 3. Izvještaj o izvršenju Budžeta Grada Zenica za 2022. godinu s Prijedlogom Zaključka o usvajanju Izvještaja o izvršenju Budžeta Grada Zenica za 2022. godinu i rasporedu akumulisanog suficita Grada Zenica

Uvodne napomene za ovu tačku dnevnog reda dala je Fatima Vojvodić, pomoćnica Gradonačelnika za finansije.

U raspravi su učestvovali vijećnici: Malik Ejubović, Emina Babić, Sanjin Aldobašić, Ekrem Tuka, Nermin Mehić i Šerif Patković. Gradonačelnik je učestvovao u raspravi, dajući određena pojašnjenja u vezi s prijedlozima vijećnika iznesenim u toku rasprave. Također, Gradonačelnik je prihvatio inicijativu vijećnice Emine Babić za isplatu jednokratne naknade za svako novorođeno dijete, odnosno majku porodilju u iznosu od 250 KM. U vezi s tim, Služba za finansije dostavila je Vijeću izmijenjeni Prijedlog zaključka u koji je uvrštena nova stavka „iznos od 250.000,00 KM za transfere pojedincima - naknada za svako novorođeno dijete“.

Po zaključenju rasprave, vijećnici su se izjasnili glasanjem o izmijenjenom Prijedlogu Zaključka o usvajanju Izvještaja o izvršenju Budžeta Grada Zenica za 2022. godinu i rasporedu akumulisanog suficita Grada Zenica, te isti usvojili s 21 glasom „ZA“, 4 glasa „PROTIV“ i 3 glasa „UZDRŽAN“.

Tačka 4. Izvještaj o radu Gradske uprave i Gradonačelnika Zenice za 2022. godinu

Uvodne napomene dao je Selver Keleštura, sekretar Gradske uprave.

U diskusiji o ovoj tački dnevnog reda učestvovali su vijećnici: Denan Pašalić, Elvir Purić, Elmir Duvnjak, Emina Tufekčić, Namir Škaljo, Ekrem Tuka, Šerif Patković, Nermin Mehić i Osman Šuvalić.

U diskusiji su učestvovali Selver Keleštura, sekretar Gradske uprave i Emilija Pašalić, pomoćnica Gradonačelnika za urbanizam, dajući određena pojašnjenja i odgovore na pitanja vijećnika učesnika u raspravi.

Po zaključenju rasprave vijećnici su se izjasnili glasanjem o Izvještaju o radu Gradske uprave i Gradonačelnika Zenice za 2022. godinu, te isti usvojili sa 17 glasova „ZA“, bez glasova „PROTIV“ i 6 glasova „UZDRŽAN“, a zatim o prijedlozima zaključaka proizašlim iz rasprave kako slijedi: 1. prijedlogu zaključka vijećnice Emine Tufekčić: „Gradsko vijeće traži od Gradonačelnika da Gradskom vijeću dostavi informaciju o svim promjenama organizacijske strukture za period 2017.-2023. godine“, sa 6 glasova „ZA“, 1 glasom „PROTIV“ i 15 glasova „UZDRŽAN“ 2. prijedlogu zaključka vijećnice Emine Tufekčić: „Zadužuje se Gradonačelnik da naloži Službi za inspekcijske poslove da u svom radu postupajući poštujući zakone i tako ne diskriminira građane Zenice“, s 20 glasova „ZA“, bez glasova „PROTIV“ i 4 glasa „UZDRŽAN“. 3. prijedlogu zaključka vijećnice Emine Tufekčić: „Zadužuje se Služba civilne zaštite da Gradskom vijeću dostavi plan mjera za sanaciju klizišta na području Grada Zenica“, s 19 glasova „ZA“, bez glasova „PROTIV“ i 4 glasa „UZDRŽAN“ 4. prijedlogu zaključka vijećnika Denana Pašalića: „Zadužuje se Služba za vodoprivredu, putnu infrastrukturu i mjesne zajednice da pripremi prijedlog odluke o izmjenama i dopunama Odluke o organizaciji mjesne samouprave, koja će omogućiti valjan pravni osnov za naknadu troškova rada predsjednika mjesnih zajednica Grada Zenica“, s 23 glasa „ZA“, bez glasova „PROTIV“ i bez glasova „UZDRŽAN“.

Vijećnik Ekrem Tuka je, nakon pojašnjenja sekretara Gradske uprave, odustao od prijedloga zaključka: „Traži se pojedinačno dostavljanje izvještaja o radu resornih službi Gradskom vijeću, te pojedinačno odlučivanje i razmatranje“, pa se Vijeće nije izjasnilo o ovom prijedlogu zaključka.

Prije prelaska na raspravu o tački 5. dnevnog reda predsjedavajući Vijeća Mirza Husetić je u 13.20 sati dao pauzu i najavio nastavak sjednice u 14.30 sati. Sjednica je nastavila s radom u 14.44 sati.

Tačka 5. Prijedlog Odluke o uslovima, kriterijima, postupku dodjele i načinu korištenja stambenih jedinica u stambenoj zgradi u ulici Crkvice broj 48B

Uvodne napomene za ovu tačku dnevnog reda dala je Indira Dreca, šefica Odsjeka za stambene poslove. Za diskusiju o ovoj tački dnevnog reda javio se vijećnik Faruk Hodžić, te predložio zaključak o oslobađanju aplikanata od plaćanja takse za ovjeru dokumenata koji se prilažu uz zahtjev za dodjelu stambene jedinice. Aerzimana Čeliković, pomoćnica Gradonačelnika za opću upravu pojasnila je da su isti oslobođeni od plaćanja takse u skladu s odredbom člana 12. Odluke o gradskim administrativnim taksama.

Po zaključenju diskusije, vijećnici su se izjasnili glasanjem o Prijedlogu Odluke o uslovima, kriterijima, postupku dodjele i načinu korištenja stambenih jedinica u stambenoj zgradi u ulici Crkvice broj 48B, te isti usvojili s 23 glasa „ZA“, bez glasova „PROTIV“ i bez glasova „UZDRŽAN“.

Tačka 6. Informacija o stanju javnog prijevoza putnika na području Grada Zenica

Uvodne napomene dala je Zerina Polić-Zolota, stručni savjetnik za poslove saobraćaja.

U raspravi o ovoj tački dnevnog reda učestvovali su vijećnici: Sanjin Aldobašić, Denan Pašalić, Elvir Purić, Šerif Patković i Halil Arnaut. U raspravi je učestvovala Zerina Polić-Zolota, dajući odgovore na pitanja vijećnika učesnika u raspravi.

Po zaključenju diskusije, vijećnici su se izjasnili glasanjem o Informaciji o stanju javnog prijevoza putnika na području Grada Zenica, te istu usvojili s 23 glasa „ZA“, bez glasova „PROTIV“ i bez glasova „UZDRŽAN“.

Tačka 7. Nacrt Odluke o načinu i uslovima povjeravanja i organizovanja javnog prijevoza putnika u linijskom cestovnom prijevozu na teritoriji grada Zenica

Uvodne napomene dala je Zerina Polić-Zolota, stručni savjetnik za poslove saobraćaja.

U diskusiji o ovoj tački dnevnog reda učestvovali su vijećnici: Faruk Hodžić, Emina Tufekčić i Nermin Mehić. U diskusiji je učestvovao Gradonačelnik, koji je odgovorio na pitanje vijećnika Faruka Hodžića.

Po zaključenju raspravi, vijećnici su se izjasnili glasanjem o Nacrtu Odluke o načinu i uslovima povjeravanja i organizovanja javnog prijevoza putnika u linijskom cestovnom prijevozu na teritoriji grada Zenica, s rokom za javnu raspravu u trajanju od 30 dana od dana sjednice Vijeća, s 24 glasa „ZA“, bez glasova „PROTIV“ i bez glasova „UZDRŽAN“.

Tačka 8. Izvještaj o radu JU Centar za socijalni rad Zenica za 2022. godinu

Uvodne napomene dao je Muamer Mehić, direktor JU Centar za socijalni rad Zenica.

U diskusiji o ovoj tački dnevnog reda učestvovali su vijećnici: Faruk Hodžić, Namir Škaljo, Osman Šuvalić i Denan Pašalić. U raspravi je učestvovao Muamer Mehić, dajući odgovore na pitanja vijećnika učesnika u raspravi.

Po zaključenju rasprave, vijećnici su se izjasnili glasanjem o Izvještaju o radu JU Centar za socijalni rad Zenica za 2022. godinu, te isti usvojili s 22 glasa „ZA“, bez glasova „PROTIV“ i 1 glasom „UZDRŽAN“.

Tačka 9. Izvještaj o radu JU „Dom za stara lica Zenica“ Zenica za 2022. godinu

Uvodne napomene dao je Kemal Efendić, direktor JU „Dom za stara lica Zenica“ Zenica.

U raspravi niko nije učestvovao.

Vijećnici su se izjasnili glasanjem o Izvještaju o radu JU „Dom za stara lica Zenica“ Zenica za 2022. godinu s 13 glasova „ZA“, bez glasova „PROTIV“ i 3 glasa „UZDRŽAN“, pa je predsjedavajući Vijeća konstatovao da isti nije prihvaćen.

Tačka 10. a) Izvještaj o radu JU „Dom-porodica“ Zenica za 2022. godinu

b) Izvještaj o radu Gradske narodne kuhinje Zenica za 2022. godinu

Uvodne napomene za ovu tačku dnevnog reda dao je Halil Arnaut, v.d. direktora JU „Dom-porodica“ Zenica.

U raspravi niko nije učestvovao.

Vijećnici su se izjasnili glasanjem o Izvještaju o radu JU „Dom-porodica“ Zenica za 2022. godinu, te isti usvojili s 21 glasom „ZA“, bez glasova „PROTIV“ i 1 glasom „UZDRŽAN“, a zatim o Izvještaju o radu Gradske narodne kuhinje Zenica za 2022. godinu, te isti usvojili s 22 glasa „ZA“, bez glasova „PROTIV“ i 3 glasa „UZDRŽAN“.

Tačka 11. Prijedlog za uređenje međusobnih odnosa za prevazilaženje problema na mikrolokaciji u naselju Radakovo

Uvodne napomene za ovu tačku dnevnog reda dao je Denis Burak, predstavnik kompanije „Burak“ d.o.o. koja je podnijela prijedlog za uređenje međusobnih odnosa za prevazilaženje problema na mikrolokaciji u naselju Radakovo zamjenom dijela parcele u vlasništvu ove kompanije za dio parcele u vlasništvu Grada Zenica.

Studiju zamjene parcela sa analizom urbanističke postavke i sadržaja i analizom saobraćaja, vijećnicima je prezentovala Mia Skopljak, odgovorna projektantica i voditeljica projekta.

U raspravi o ovoj tački dnevnog reda učestvovali su vijećnici: Nermin Mehić, Mirza Husetić, Šerif Patković i Denan Pašalić. U raspravi su, također, učestvovali Azra Hajdarević, šefica Odsjeka za imovinsko-pravne poslove i Selver Keleštura, sekretar Gradske uprave, dajući određena pojašnjenja.

Po zaključenju rasprave, predsjedavajući Vijeća je u 17.15 sati, na prijedlog Kluba vijećnika SDA dao pauzu u trajanju od pet minuta, pa je sjednica nastavila s radom u 17.22 sati.

Nakon pauze, vijećnici su se izjasnili glasanjem o Prijedlogu kompanije „Burak“ d.o.o. za uređenje međusobnih odnosa za prevazilaženje problema na mikrolokaciji u naselju Radakovo, te isti nisu usvojili s 12 glasova „ZA“, 8 glasova „PROTIV“ i 4 glasa „UZDRŽAN“.

Sjednica je zaključena i završila s radom u 17.24 sati.

Sastavni dio ovog zapisnika je audiozapis, pohranjen u Stručnoj službi Gradskog vijeća, na osnovu kojeg se može ostvariti uvid u diskusije sa sjednice Vijeća.

PREDSEDAVAJUĆI
GRADSKOG VIJEĆA
Mirza Husetić